

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-13751/25
Sarajevo, 20.6.2025. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda grupe ponuđača „General Engineering“ d.o.o. Sarajevo, „General Constructions“ d.o.o. Sarajevo i „Almy Gradnja“ d.o.o. Zenica sa ponudnom cijenom za ugovor u iznosu od 80.768,61 KM bez PDV-a, odnosno 94.499,27 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji objekta društvene infrastrukture u MZ „Briješće“ po osnovnom ugovoru broj 02/12-19-22851/23“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove je aktom br. 02/08-19-12185/24 od 14.5.2025. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji objekta društvene infrastrukture u MZ „Briješće“ po osnovnom ugovoru broj 02/12-19-22851/23-Ug br. 1, a jer je stručno-tehnički nadzor „Radis“ d.o.o. Istočno Sarajevo dostavio akt broj NA-10.1-01/25 od 21.1.2025. godine u kojem koordinator nadzorne službe konstatuje da se tokom realizacije predmetnog ugovora ukazala potreba za izvođenjem dodatnih radova na iskopu, utovaru i odvozu veće količine zemljanog materijala zatačenog na lokaciji pri početku izvođenja radova, zatim betoniranje pojedinih konstruktivnih elemenata u nivou temelja i dijelu suterenske etaže je se nivo prizemlja mora dovesti na nivo saobraćajnice sa gornje strane objekta što je dovelo do korekcije projektne dokumentacije, te koordinator nadzora zaključuje da su navedeni radovi neodvojivo vezani za uspješnu realizaciju ugovora u tehničkom smislu, a kako bi objekat bio funkcionalan i predlaže provođenje procedure pregovaračkog postupka.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-13751/25 od 04.6.2025. godine - „Izvođenje dodatnih radova na izgradnji objekta društvene infrastrukture u MZ „Briješće“ po osnovnom ugovoru broj 02/12-19-22851/23“- pregovarački postupak bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-13751/25 od 05.6.2025. godine grupi ponuđača „General Engineering“ d.o.o. Sarajevo, „General Constructions“ d.o.o. Sarajevo i „Almy Gradnja“ d.o.o. Zenica za dostavu ponude sa priložima.

Zapisnikom o otvaranju ponuda od 13.6.2025. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda grupe ponuđača: „General Engineering“ d.o.o. Sarajevo, „General Constructions“ d.o.o. Sarajevo i „Almy Gradnja“ d.o.o. Zenica. Komisija je izvršila analizu dostavljene inicijalne ponude i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja, dana 17.6.2025. godine stručna tehnička lica su pregovarala sa predstavnikom grupe ponuđača o mogućnosti smanjenja cijene ponude, posebno je pregovarano u dijelu pozicije 2- zemljanih radova: nabavka, dovoz, nasipanje, rastiranje i nabijanje šljunka frakcije 6-14 mm...., te je Komisija pozvala ponuđača na umanjenje jedinične cijene predmetne pozicije u odnosu na osnovni ugovor, te je nadalje pozvala ponuđača na mogućnost davanja popusta na ponudu, a ponuđač je naveo da su cijene tržišne da odgovaraju cijenama u osnovnom ugovoru, te da je i u odnosu na naprijed navednu poziciju riječ o istim radovima bez obzira na debljinu sloja. Ponuđač pozvan da u roku od tri (3) dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 289008-PON001-25 od 17.6.2025. godine sa ponuđenom cijenom za ugovor u iznosu od 80.768,61 KM bez PDV-a, odnosno 94.499,27 KM sa PDV-om. Komisija je izvršila računsku kontrolu ponude i konstatovala da nije bilo računске greške. Nadalje, stručna tehnička lica Komisije izvršila su uvid u osnovni ugovor zaključen sa ponuđačem, te ugovore koji za predmet imaju slične radove, kao i mišljenje stručno tehničkog nadzora, te su stručna tehnička lica Komisije mišljenjem broj 02/12-19-13751 od 19.6.2025. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama, te je data preporuka za prihvatanje ponude i zaključenje ugovora.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić sekretar komisije



DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

